



REPUBLIKA E KOSOVËS/REPUBLIKA KOSOVA

GJYKATA THEMELORE PRISHTINE

Numri i lëndës: 2020:066179

Datë: 28.09.2021

Numri i dokumentit: 02218157

A.nr.1015/20

GJYKATA THEMELORE NË PRISHTINË-Departamenti për Çështje Administrative, me gjyqtaren Arjeta Sadiku, në çështjen juridike të paditësve SH...D...S...G...T...ZH...T...V..., përfaqësuar me autorizim nga Naser Peci, avokat në Prishtinë, kundër të paditurës U...P...si palë me interes juridik, përfaqësuar me autorizim nga Safet Thaqi, si dhe të paditurës K...P...M...K... përfaqësuar me autorizim nga Valentina Kaqandolli, me bazë juridike: “anulim i vendimit”, në seancën publike të mbajtur në prani të palëve, me datën 6 korrik 2021, merr këtë:

A K T V E N D I M

HUDHET poshtë si e palejueshme padia e paditësve SH...D...S...G...T...ZH...T...V..., kundër të paditurave U...P...dhe K...P...M...K..., me kërkesë për anulim të vendimit Nr. 2/262/2011 të datës 02.12.2011, pasi që kjo çështje juridike është e gjykuar me aktgjykim të formës së prerë.

A r s y e t i m i

Paditësit SH...D...S...G...T...ZH...T...V..., me datën 29.12.2011, kanë parashtruar padi në këtë gjykatë, kundër të paditurës U...P..., me të cilën kanë kërkuar kompensimin e të ardhurave në bazë të vendimit. Me parashtresën e datës 06.07.2021 dhe në seancën e shqyrtimit kryesor, përmes përfaqësuesit me autorizim, kanë kërkuar anulimin e vendimit të të paditurës K...P...M...SH...C...K, Nr. 2/262/2011 të datës 02.12.2011.

Në përgjigjen në padi të datës 01.07.2021, e paditura K...P...M...K..., dhe në seancën e shqyrtimit kryesor, përmes përfaqësueses me autorizim, e ka kontestuar padinë e paditësve, me propozimin që e

njëta të hedhet poshtë, me arsyetimin se për këtë çështje është vendosur me aktgjykim të formës së prerë të shkallës së parë A.nr.1519/11 dhe Gjykatës së Apelit të Kosovës AA.nr.314/13.

Pala me interes juridik U...P..., përmes përfaqësuesit me autorizim, e ka kundërshtuar padinë e paditësve me propozimin që e njëjta të refuzohet si e pabazuar.

Gjykata shqyrtoi pretendimet e palëve dhe provave në shkresat e lëndës dhe konstatoi se lidhur me ligjshmërinë e vendimit tani të goditur me këtë padi, me Aktgjykimin e kësaj gjykate A.nr.1519/11 të datës 14.08.2013 dhe Aktgjykimin e Gjykatës së Apelit të Kosovës AA.nr.314/13 të datës 10.01.2014, është vendosur dhe aktgjykimi ka marr formën e prerë.

Andaj, duke u bazuar në faktin se çështja e ngritur me padi përbën çështje të gjykuar me aktgjykim të formës së prerë, konform nenit 166 pika 2 dhe nenit 391 pika (d) të LPK-së, gjykata vendosi si në dispozitiv të këtij aktvendimi.

GJYKATA THEMELORE NË PRISHTINË
Departamenti për Çështje Administrative
A.nr.1015/2020, me datë 6 korrik 2021

G j y q t a r j a
Arjeta Sadiku

KËSHILLA JURIDIKE: Kundër këtij aktvendimi është e lejuar ankesa në afat prej 15 dite, prej pranimit të të njëjtit, Gjykatës së Apelit të Kosovës, nëpërmes kësaj gjykate.